

թյունն ու Վատիկանի ներկայացուցիչները և Պարսից արքունիքը:

Ահա թե ինչու մոլեռանդ մոլլաները, եվրոպական վաճառականները, դեսպանները և նրանց կողմից գրգռված ամբոխը շահից պահանջում էին չընդունել և շտապ ետ վերադարձնել Օրու դեսպանությունը:

Փարիզ ու Հռոմ են հասնում ֆրանսիական դեսպանի, կաթոլիկ պրոպագանդիստների և ճիզվիտների ղեկույցներն ու բողոքները: Հռոմի պապն անմիջապես նամակ է գրում պարսից Հուսեյին շահին և ետ վերցնում Օրուն տված իր երաշխավորությունները, հրաժարվում բարձր դեսպատականներից, փորձելով նրան ներկայացնել որպես Պարսկաստանի համար վտանգավոր մի անձնավորություն:

Բայց ոչինչ այլևս չէր կարող շտկել գրությունը. Օրու միտքան հասել էր իր նպատակին: Հռոմի պապը տանու էր տվել: Հուսեյինի արքունիքն ստիպված էր Օրուն ընդունել և այն էլ ավելի մեծ հանդիսավորությամբ, հենց այն պատճառով, որ նա ներկայացնում էր Շվեդիային հաղթող Ռուսաստանը, որից շահը վախենում էր ավելի, քան Նվրոպայից: Այս բոլոր ցույց են տալիս Օրու քաղաքական հեռատեսությունն ու լայնախոհությունը:

Բայց Օրու գործունեության արժանիքները

չէ, որ փնտրում է Քյուրտյանը. նա միայն սեպնում է պայծառ գործչին:

Իսրայել Օրին հայ ազատագրական շարժման ամենափայլուն դեմքերից մեկն է: Նա իր ողջ կյանքը նվիրաբերեց իր ժողովրդի ազատագրության գործին, դարձավ նրա երազանքների լավագույն թարգմանն ու արտահայտիչը, ժամանակակիցների մեջ բորբոքեց հայրենասիրության կրակը, քանի շխնայեց ամրապնդելու հայվրացական համագործակցությունը Ռուսաստանի հետ, իր գործունեությամբ ավելի ակնբախ դարձնելով Անդրկովկասի Ժողովուրդների բուսական կողմնորոշման նշանակությունը և հեռանկարները:

Ահա թե ինչու Օրու քաղաքական հակառակորդները և նրանց հետագա ու ժամանակակից կուսակիցները միշտ ձգտել են և այժմ էլ փորձում են վարկարկել նրան: Պատահական չէ, որ այժմ, երբ մեր գիտական հասարակայնությունը պատշաճաբանում է նշել Իսրայել Օրու ծննդյան 57-րդ տարին, դաշնակցական մամուլը փորձում է Իսրայել Օրուն ներկայացնել որպես մի բախտախնդիր ու խաբեբա, աշխատում է ամեն կերպ վարկաբեկել նրան:

Հ. Քյուրտյանը իր ներկա հոգվածաշարքով տուրք է տալիս դաշնակ գրչակներին և ջուլյցնում նրանց ջրաղացին:

Վ. ՈՍԿԱՆՅԱՆ

Հ. ՄԱՆԱՆԻՅԱՆ, *Քննական տեսություն հայ ժողովրդի պատմությունում*, հատոր Բ, մասն Ա, Երևան, Հայպետհրատ, 1957:

Մեծանուն ակադեմիկոս Հակոբ Մանանդյանի ներկա աշխատությունը նրա «Քննական տեսություն հայ ժողովրդի պատմության» շարքի երկրորդ հատորն է (առաջին հատորը լույս է տեսել 1948 թվականին, իսկ երրորդը՝ 1951 թվականին): Մովսեսն այս հատորը լրիվ չի ծածկում առաջին և երրորդ հատորների միջև եղած բացը, ալ ընդգրկում է միայն նրա մի մասը: Գրքի վերջում խմբագրության թողած ծանոթությունից ցավով իմանում ենք, որ հանդուգյալ ակադեմիկոսը երկրորդ հատորի երկրորդ մասի համար ևս հավաքած է եղել նյութեր, սակայն հեղինակի մահվան պատճառով հնարավոր չի եղել ամփոփել և այդ արժեքավոր գործն այդպես էլ մնացել է թերավարտ:

Բազմավաստակ ակադեմիկոսի գրախոսվող հատորն ընդգրկում է հայ Արշակունիների շրջանը, այսինքն՝ Տրդատ առաջինից մինչև Արշակունիների թագավորության վերացումը:

Արևելյան Հայաստանում (մեր թվականության 66—428 թթ.):

Ելված ժամանակաշրջանը հայ ժողովրդի պատմության ամենից մութ և չպարզաբանված շրջաններից մեկն է. այդպես են առանձնապես առաջին, երկրորդ և երրորդ դարերը՝ մինչև Տրդատ III-ը: Դրա պատճառը սկզբնաղբուրների անշափ աղքատությունն է. հունա-հռոմեական ազդյունները միջանկյալ տեղեկություններ են պահել Հայաստանի մասին, իսկ հայկական պատմիչները, որոնցից հնագույնները IV—V դարերից են, առանձին ուշադրություն չեն դարձրել նախորդ դարերի վրա: Բացի այդ, հայկական հին ազդյունները, ինչպես պարզված է, քրիստոնյա խմբագրերի կողմից որոշ փոփոխությունների են ենթարկվել VII—VIII դարերում: Հայ հեթանոսության մասին որոշ տեղեկություններ և վաղ քրիստոնեական շրջանին վերաբերող շատ փաստեր գտնադարձ-

վել և կրճատվել են: Սկզբնաղբյուրներն իրենց մեջ բնդունել են առասպելական բազմաթիվ տարրեր: Այդ առանձնապես նկատվի է Աղաթանգեղոսի, Զ' նոր Գլակի, Փավստոսի և մասամբ Խորենացու աշխատությունների մեջ: Այդ է պատճառը, որ սկզբնաղբյուրների կցկտուր տեղեկությունները դժվար են ենթարկվում գիտական ընդհանրացման, և մենք մինչև այժմ չունենինք այս շրջանի բաղադրական պատմության բիշ թև շատ ճշգրտված ժամանակագրությունը:

Ահալեմիկոս Մանանդյանը, իրեն հատուկ բարեխղճությամբ, հսկայական աշխատանք է կատարել հայ ժողովրդի պատմության այս հատվածը մշակելու ուղղությամբ: Նա մեզ հասած հունական և հին հայկական աղբյուրների տեղեկություններն ի մի բերելով և միաժամանակ քննության առնելով այս կամ այն հարցի վերաբերյալ տարբեր լեզուներով (այլերեն, ռուսերեն, գերմաներեն, ֆրանսերեն և այլն) եղած հայագիտական գրականությունը, կարողացել է լուծել բազմաթիվ կնճռոտ հարցեր:

Թվարկել ահաղ. Մանանդյանի ներկա հատորում լուծված բոլոր հարցերը մի գրախոսականում, հնարավոր չէ. կասենք միայն, որ հատորի սկզբի յոթ գլուխները՝ «Տրդատ Ա-ի և նրա հաջորդները» (էջ 5—20), «Տրդատի Զայեկան և Պարթևական արշավանքները և ապստամբությունները հռոմայեցիների դեմ» (էջ 21—32), «Վաղարշ Ա, Սոհեմոս, Բակուր և Հոռեմա-պարթևական պատերազմը Մարկոս Ալեքսիդիսի ժամանակ» (էջ 33—49), «Հայաստանը Ալեքսիդիսի Սեկունդի և Անտոնինոս Կալվակլայի արշավանքների ժամանակ» (էջ 50—62), «Մասանյան Պարսկաստանի և Հայաստանի համար ստեղծված նոր կացությունը» (էջ 62—72), «Տրդատ Բ-ի և նրա մասնակցությունը հռոմեական-սասանյան կռիվներին» (էջ 73—90) և «Հայաստանի բազապական դրությունը Տրդատ Բ-ից հետո մինչև Տրդատ Գ-ի զահակությունը» (էջ 91—115) — բազմավաստակ ահաղեմիկոսի քանքերով լուծված առեղծվածների մի ամբողջ շարք է: Անվիճելի է, որ այս ժամանակաշրջանի հայ ժողովրդի պատմության գիտական մշակման համար մենք պարտական ենք հանգուցյալ ահաղեմիկոսին. նշան է պատկանում I—III դարերի հայ ժողովրդի բաղադրական պատմության գիտական ժամանակագրություն կազմելու պատիվը: Բոլորովին նոր և համոզեցուցիչ ձևով են լուսարանված Մանատուկի, Աշխատարի, Սոհեմոսի, Վաղարշ Բ-ի և Արտավազդ Ե-ի զահակությունների տարիներին տեղի ունեցող պատմական իրադարձությունները:

Ահաղ. 2. Մանանդյանը այս հարցերը լուծելիս լուծությամբ չի անցնում նախորդ հայագետների՝ Ինճիճյանի, Սանդալյանի, Խալաթյանի, Աղոնցի, Մարկվարտի, Լեոյի և ուրիշների կատարած աշխատանքի կողքով, այլ նշում է այս կամ այն հարցի վերաբերյալ եղած տեսակետները. մեջբերումներ է անում սկզբնաղբյուրներից և ապա հավանում էր հիմնականում կարծիքը: Ըստ որում, հունական և լատինական աղբյուրները նա մեջ է բերում հայերեն թարգմանությամբ, իսկ դոբար աղբյուրները օգտագործելիս բերում է ն' ընդհանր, ն' թարգմանությունը՝ հնարավորություն տալով մասնադեմներին ծանոթանալու դոբար այս կամ այն անհասկանալի դարձվածքի իր վերծանություն հետ:

Մանանդյանի աշխատության ամենիո գնահատելի կողմը՝ առաջ քաշված հարցերի ինքնատիպությունն է: 2. Մանանդյանը չի պատկանում պատմաբանների այն շարքին, որոնք անվերապահորեն կրկնում են իրենց նախորդներին. նա ամեն մի հարց բնեկիս, աշխատում է բազմակողմանի մոտեցում ցուցաբերել և, հնարավորին չափ, սպառիչ պատասխան տալ նրան: Նույնիսկ այն դեպքերում, երբ չի կարելի համաձայնել հեղինակի հետ, դարձյալ նրա առաջ քաշած հարցը նույն մտածումի, նոր պրպաումի առիթ է տալիս: Այդ տեսանկյունով ներկա աշխատությունը մեզ համար ուսանելի է ոչ միայն որպես հայ ժողովրդի պատմության դասընթաց, այլև գիտական հետազոտության օրինակելի մի ձևնարի, որից սովորելու շատ բան ունեն մեր պատմաբանները:

Ներկա աշխատությունը ոչադրավ է մի այլ տեսակետից ես. հեղինակը հայ ժողովրդի պատմությունը չի կտրել իր հարևան ժողովուրդների պատմությունից, ինչպես վարվում են որոշ սահմանափակ պատմաբաններ, այլ այն շարադրել է հարևան ժողովուրդների պատմությունը սերտորեն առնչված, Մերձավոր Արևելքի պատմության լայն ֆոնի վրա: Հեղինակը ցույց է տվել, որ Հայաստանը գտնվելով Հռոմի և Պարսկաստանի մրցակցության ցանցում, արտաքին բաղադրականության հարցերում միշտ չէ, որ ի վիճակի է գտնվել ինքնուրույն լինելու, նա հաճախ հարկադրված է եղել կատարել ուրիշի պարտադրանքը, հաշվի առնել ստեղծված ընդհանուր բաղադրական իրադրությունը և այլն: Ուստի առանց հարևան ժողովուրդների կյանքում տեղի ունեցող իրադարձություններին մոտիկից ծանոթանալու, առանց ընդհանուր բաղադրական իրադրությունը հաշվի առնելու, անկարելի է հասկանալ հայ իրականության պատ-

մական շատ իրադարձություններ: Ահա այս հանգամանքը հաշվի առնելով, հեղինակը, իրավացիորեն Հայաստանում տեղի ունեցող ամեն մի իրադարձության մասին խոսելուց առաջ, նախ կանգ է առնում տվյալ շրջանում ստեղծված ընդհանուր իրադրության վրա, և ապա այդ տեսագլխի վրա գծում նաև Հայաստանում տեղի ունեցող դեպքերը:

Ուշադրության արժանի է ակադ. Մանանդյանի մոտեցումն իր օգտագործած աղբյուրներին: Նա ոչ մի աղբյուր չի օգտագործում, մինչև որ անաչառ քննությունը չի պարզում նրա արժանահավատությունը: Այդ նպատակով նա ի մի է բերում միևնույն հարցի մասին տարբեր սկզբբնաղբյուրներում եղած տեղեկությունները, համեմատում է դրանք իրար հետ, ու սումմարիզում, և նոր միայն հանում իր եզրակացությունը:

Վերին աստիճանի հետաքրքրական են նրա հետևությունները հայկական պատմիչների մասին: Նա բազմաթիվ անգամ քննության բովանդակության հայկական պատմիչների՝ Փավստոսի, Ագաթանգեղոսի, Մովսես Խորենացու, Ղազար Փարպեցու և մյուս պատմիչների տեղեկությունները, դալիս է այն եզրակացություն, որ դրանց մեծ մասը պատմական ճշմարտացի տեղեկություններ են և միայն տեղական խառնված են առասպելների հետ: Չխոսելով Ղազար Փարպեցու մասին, որի նկատմամբ բացառիկ վստահություն ունի Մանանդյանը՝ որպես պատմական աղբյուրի, մենք ցանկանում ենք բերել նրա կարծիքը Լեկու հայ պատմիչների՝ Խորենացու և Փավստոսի մասին: Խորենացու տեղեկությունը Գառնիի հուներեն արձանագրության մասին է. Մանանդյանը արժանահավատ է համարում այն աստիճանի, որ կարծում է, թե «Պատմահայրն ինքն անձամբ եղել է Գառնիում և տեսել ու կարդացել է հուներեն արձանագրությունը» (էջ 134): Համեմատության մեջ դնելով Փավստոսի տեղեկությունները IV դարի լատին պատմիչ Ամմիանոս Մարկելիանոսի տեղեկությունների հետ, որը ժամանակակից և ականատես է իր նկարագրած դեպքերի զգալի մասին, գտնում է, որ Փավստոսի տեղեկությունները մեծամասնությամբ համընկնում են Ամմիանոսի հաղորդած տեղեկությունների հետ և պատմական են:

Ցավալի է սակայն, որ հայ պատմիչների տեղեկությունների անաչառ քննության հիման վրա նրանց մասին նման բարձր կարծիք ստեղծած բազմալատակ ակադեմիկոսը հնարավորություն չունեցավ վերանայելու տարիներ առաջ իր հայտնած մտքերը Խորենացու ժամանակի և արժանահավատության, Կորյունի տեքստի նախնական բնագիր հանդիսանալու,

«Աշխարհացոյց»-ի հեղինակի և աղբյուրագիտական այլ հարցերի նկատմամբ, որոնք այժմ լուծված են բավարար ձևով: Այսպես, պարզված է, որ Խորենացին հանդիսանում է ոչ թե իննիորդ, այլ հինգերորդ դարի հեղինակ: Անվիճելիորեն ապացուցված է, որ «Աշխարհացոյց»-ի հեղինակը ոչ թե Խորենացին է, այլ յոթերորդ դարի հայ գիտնական Անանիա Շիրակացին: Պարզված է նաև, որ Կորյունի «Վարք Մաշտոցի» աշխատությունը նախնական բնագիրն է: Հաստատված է, որ Ագաթանգեղոսի Պատմությունը ուշ շրջանի խմբագրական կնիք ունենալով հանդերձ, մնում է որպես հնագույն սկզբնաղբյուր՝ Անդրկովկասում վաղ քրիստոնեության տարածման մասին և այլն:

Ակադ. Մանանդյանի ներկա աշխատության մեջ քննված ամենակարևոր հարցերից մեկը սոցիալ-տնտեսական հարաբերություններն են, որին նվիրված է չորս գլուխ՝ «Ֆեոդալական հարաբերությունների զարգացումը Արշակունյաց Հայաստանում» (էջ 314—334), «Ագաթանգեղոս, Շուստանիկ»-ները և եկեղեցականները» (էջ 335—353), «Թամիկ»-ները և «շինականները» (էջ 354—385) և «Առևտուր, քաղաքները, արհեստավորները և ստրուկները» (էջ 386—410): Նշված գլուխները հիմնականում ներկայացնում են ամփոփումը հեղինակի «Ֆեոդալիզմը հին Հայաստանում» աշխատության, որը լույս է տեսել Երևանում 1934 թվականին:

Ակադ. Մանանդյանը Արշակունիների շրջանում իշխող սոցիալ-տնտեսական հարաբերությունները իրավացիորեն համարում է ֆեոդալական հարաբերություններ. «Արշակունիների թագավորության ժամանակաշրջանում, ինչպես Հայտնի է մեզ հին հայ աղբյուրների հաղորդած տեղեկություններից, — գրում է նա, — Հայաստանում զարգացել և վերջնականապես ձևակերպվել էր նախարարական կամ ֆեոդալական կազմակերպությունը» (էջ 314): Ըստ որում, նշվում է, որ Հայաստանում արտագրության ֆեոդալական եղանակի հիմքը կազմել է նատուրալ տնտեսությունը. գյուղացին ունեցել է արտագրության սեփական միջոցներ և նրա կախումը ֆեոդալից կրել է արտատնտեսական բնույթ:

Խոսելով ֆեոդալական հողատիրության մասին, ակադ. Մանանդյանը մատնացույց է արել կալվածատիրության երեք խոշոր տեսակներ՝ արքունական, եկեղեցական և նախարարական: Մանր ազնվականները ևս ունեցել են փոքր կալվածներ, սակայն նրանք օգտվել են պայմանական հողատիրության իրավունքից: Պայմանական այդ հողակտորները կոչվել են խոտակներ, որոնք, հեղինակի կարծիքով, համա-

պատասխանում են եվրոպական ֆեոդին կամ լենին:

Աղբյուրների տեղեկությունների և առանձին էությունների ստուգաբանության հիման վրա, մեծանուն գիտնականը հանգամանորեն խոսում է ավատական աստիճանակարգության մասին, աստիճանակարգություն, որի գլխին, որպես սուվերեն տեր, կանգնած է եղել թագավորը կամ արքան: Թագավորի ժառանգական կալվածքն է հանդիսացել Այրարատյան նահանգը, որը կոչվել է ոստան: Այստեղ են գտնվել թագավորի ազդակից ազնվականները՝ «ոստանիկ»-ները: Թագավորից անմիջական կախման մեջ են գտնվել Հայաստանի կողմնակալ շորս բղնջիները և գավառատեր խոշոր նախարարները: Նրանք համարվել են թագավորի անմիջական վասալները և պարտավոր են եղել մուծել պետական սահմանված հարկն ու պատերազմի ժամանակ ներկայանալ թագավորին իրենց զորամասերով: Բղնջիներից և գավառատեր նախարարներից վասալական կախման մեջ են գտնվել մանր ազնվականները, նրանց ազգակից սեպուհները: Ֆեոդալական այս բոլոր շահերը միասին վերցրած կազմել են հասարակության իշխող դասակարգը՝ ազատանին:

Արտոնյալ դասակարգի մեջ են դասվել նաև հոգևորականները, որոնք աշխարհիկ իշխանության նմանությամբ կազմել են իրենց հիերարխիկ աստիճանակարգությունը:

Ակադեմիկոս Մանանդյանն ավելի հանգամանորեն կանգ է առել շահագործվող դասակարգի՝ շինականների (գյուղացիության) և բաղադրյալին ուսմանների վրա, որոնց ուսերին է շանրացած եղել շահագործման լուծը: Նրանք պարտավոր են եղել իրենց ֆեոդալներին վճարել հողային ունեւտ և պետական հարկ: Ահա, Մանանդյանի կարծիքով, Արշակունյաց շրջանում տարբեր ունեւտներից տիրապետող է հանդիսացել քնավճար ունեւտը:

Շինականներին ու ուսմաններին նվիրված գլխում ակադ. Մանանդյանը քննության է առել նաև ճորտության հարցը: Համեմատության մեջ դնելով Արևմտյան Օվրոպայում և Ռուսաստանում միջին դարերում գոյություն ունեցող ֆեոդալական կախվածության երկու ձևերը (երբ մի դեպքում ֆեոդալն ինքն է վարում իր կալվածքը՝ հողին սմբացված ճորտ գյուղացիների միջոցով և տնտեսությունից ստացած արդյունքը շուկա է հանում, իսկ մյուս դեպքում ֆեոդալը չի գրադվում տնտեսությամբ, այլ նրանից կախված գյուղացին իր անասուններով ու գործիքներով մշակում է հողը և ստացած արդյունքից որոշ քանակով բնամթերք վճարում իր տիրոջ): Մանանդյանը գտնում է, որ այս

երկու ձևերից Հայաստանում իշխող է հանդիսացել երկրորդը:

Մանանդյանը գյուղացիության մասին խոսելիս, խոշոր տեղ է հատկացրել գյուղական համայնքներին: Նա նշում է, որ համայնքները հողը բաժանում են ըստ շնչերի և ամբողջ համայնքով կատարում իրենց ֆեոդալական հարկային և ունեւտային պարտավորությունը:

Ակադ. Մանանդյանի տեսակետը ֆեոդալիզմի մասին բնորոշված է հայագիտության մեջ: Սակայն մենք ուզում ենք առարկել մեծանուն ակադեմիկոսին՝ նախադրականության Հայաստանում իշխող արտադրության եղանակի հարցի կապակցությամբ: Նրա կարծիքով, ֆեոդալական հարաբերություններն իշխող արտադրական հարաբերություններ են հանդիսացել նաև Արտաշեսյան հարստության շրջանում: Մենք Հայաստանում, — գրում է նա, — ինչպես և արևելյան մյուս երկրներում, ստրկությունը բնավ չի խաղացել այն դերը, որ նրան սխալմամբ վերագրել է Բորյանը: Միանգամայն պարզ է, որ նախադրական Հայաստանի տնտեսական հիմքը կիսագաղտ շինականն է՝ էր և ոչ ստրկությունը, որի տնտեսական դերը պետք է համարել երկրորդական:

Ստրկությունը հին Հայաստանում չի կարող, անշուշտ, համեմատվել իր ծավալով և իր տնտեսական նշանակությամբ Հին Հունաստանի կամ Հռոմի ստրկության հետ, ուր ստրկյալները կազմում էին բնակչության սովորական մեծամասնությունը և գլխավոր արտադրող տարրն էին ոչ միայն արդյունաբերության մեջ, այլև գյուղատնտեսության (էջ 410):

Անտեյի կլիներ, Իհարկե, հին Հայաստանում փնտրել կրասիկ ստրկություն. ինչպիսին եղել է Հին Հռոմում և Հունաստանում: Սակայն, որքան մեղ հայտնի է, Հայաստանում ստրկության հարցը չի դիտվել նման ձևով. բնորոշվում էին ստրկատիրությունը՝ արևելյան, հելլենիստական գունավորումով, որի էությունն այն է, որ արտադրության տիրապետող ստրկատիրական եղանակի կողքին որոշակի տեղ են ունեցել նաև նախնադարյան համայնական հասարակության և նոր ծնվող ֆեոդալական հասարակության կացութաձևերը՝ իրենց ուժեղ գրավորումով: Մենք ևս բաժանում ենք այս տնտեսությունը և գտնում ենք, որ հարյուր-հազարների հասնող ռազմագերիների Հայաստան բերելը, նրանց օգտագործելը «դաստակերտ»-ներում և «ձեռնակերտ»-ներում, Հայաստանի տնտեսական կյանքի բնորոշումը հելլենիստական շրջապատության մեջ, հին Հայաստանի ռազարների բնույթը, հելլենիստական իշխող կուլտուրան և այլն, խոսում են հոգուտ արևելյան ստրկա-

տիրություն գոյություն: Համենայն դեպս, մեր ձեռքի տակ գտնվող փաստերն ավելի վկայում են սարկոսթյան մասին, քան ֆեոդալիզմի: Մենք ճիշտ չենք համարում այն հայագետների պրնցիպիալ շեղումները, որոնք միջնադարյան հայկական պատմիչների կանոնագրերի հիման վրա անալոգիաներ կատարելով փորձում են վերականգնել հին Հայաստանի սոցիալ-տնտեսական հարաբերությունները: Նման մոտեցումը ճիշտ չէ, որովհետև հին հայկական պատմիչները, որոնք ապրել են ֆեոդալական հարաբերությունների շրջանում, նախորդ էտապի մասին խոսելիս իրենց ժամանակի հարաբերությունները մերենայորեն փոխադրում են այնտեղ:

Ակադ. Մանանդյանը ներկա հատորում, IV դարի Հայաստանի ներքին կյանքը լուսաբանելիս, կանգ է առել Հայաստանում վաղ ֆեոդալիզմի շրջանում տեղի ունեցած սոցիալական մի կարևոր իրադարձության՝ Արշակունյացի ելույթի վրա. որը պատշաճ ուշադրության չի արժանացել նախորդ ուսումնասիրողների կողմից: Խորհնացին, ինչպես և Փավստոսը, ինչպես հայտնի է, Արշակունյացի ապստամբությունը ներկայացրել են որպես գողերի և ավազակների ելույթ: Արշակը, իբրև թե հրովարտակ է գրել և Արշակունյացի հրովարտակից, թողել են իրենց քնակավայրը և եկել հավարվել են Արշակունյացի, Նուրադ տերեր Արշակից պահանջել են հետ վերադարձնել նրանց, սակայն Արշակունյացի եկած շինականները հրաժարվել են կատարել ֆեոդալների պահանջը և ապստամբել են: Սեփական ուժերով ի վիճակի չլինելով ճնշել ապստամբությունը, ֆեոդալները դիմել են ճապոհին, նրանից օգնական ուժ ստացել և արյան մեջ խեղդել ապստամբությունը: Ողջիակական այս կարևոր շարժումը բարեխղճորեն լուսաբանված է մեծանուն ակադեմիկոսի կողմից:

Ակադ. Մանանդյանը Տրդատ III-ի կապակցությամբ, կանգ է առել Հայաստանում քրիստոնեության տարածման և պաշտոնական հայտարարվելու փաստի վրա: Նա ցույց է տվել, որ քրիստոնեությունը մուտք է գործել Հայաստանը լուսավորչից շատ առաջ՝ II դարի վերջերին և III դարի սկզբներին: Հայտնի է, որ III դարի կեսերին քրիստոնեությունը տարածելու համար Հայաստան է եկել հայտնի գնոստիկոս Բարտառնի, իսկ նույն դարի վերջերին արդեն քրիս-

տոնեությունը Հայաստանում այնպիսի լայն տարածում է ունեցել, որ նույնիսկ ստեղծվել է առանձին եպիսկոպոսական թեմ՝ Մերուսի գլխավորությամբ:

Հեղինակը այս գլխում քննության է առել նաև քրիստոնեության պաշտոնական կրոն հայտարարվելու ժամանակը և եկել է այն եզրակացության, որ այդ եղել է ավելի ուշ, քան մինչև այժմ ընդունված էր կարծել: Ըստ նրա, քրիստոնեությունը Հայաստանում չէր կարող պաշտոնական կրոն հայտարարվել Ռիանի լեռի տից, այսինքն՝ 313 թվականից առաջ, որովհետև Հայաստանը վասալական կախվածության մեջ էր Հռոմից և, կամա թե ակամա, պիտի հետևեր նրա օրինակին: Այս պնդումը ճիշտ չէ, քանի որ Եվսեբիոս Կեսարացին 324 թվականին գրած իր «Եկեղեցական պատմություն» մեջ հայտնում է, որ Մարտինիանոս Դայա կայսրը (305—313) կոչվել է քրիստոնյա Հայաստանի ղեկավար: Ակադեմիկոսի այն պատճառաբանությունը, թե Մարտինիանոս Դայայի բանակի ղեկավար էր և Անդրեոս Պատրիարքին, որ իբրև լուսավորչին ձեռնադրել է կեսարիայում, ապա դա ուշ շրջանում ավելացված սովորական ընդմիջարկություն է, որի նպատակն է քրիստոնեության մուտքը հրաշապատումներով գունազարդել: IV դարի հույն պատմիչ Սոզոմենոսը և հին հայկական բոլոր պատմիչները (Ագաթանգեղոս, Ջենոպ Գլակ, Խորենացի և ուրիշներ), որոնց չհավատալու հիմք չունենք, վկայում են, որ Ռիանի լեռի տից առաջ Հայաստանում քրիստոնեությունը պաշտոնական կրոն էր հայտարարված:

Ակադ. Մանանդյանը մանրամասնորեն կանգ է առել այն պայքարի վրա, որը տեղի է ունեցել Հայաստանում IV դարում արքունիքի և ֆեոդալական կենտրոնախույս ուժերի միջև: Արքունիքն իր համախոհներով աշխատել է ստեղծել կենտրոնաձիգ ուժեղ պետություն, իսկ կենտրոնախույս ուժերն ժամկետորեն կերպով օգտվել են պառակտել հայ քաղաքական միապետությունը և անկախանալ: Պարսկա-հռոմեական քաղաքական շրջաններն ամեն կերպ սատարել են կենտրոնախույս ուժերին՝ ցանկանալով քաղաքականապես թուլացնել Հայաստանը, նվաճել այն և դարձնել վասալ երկիր: Երկու հակադիր ուժերի միջև սկսված այդ պայքարը բուռն թափով ընթացել է ամբողջ IV դարում՝ սկսած խոսքով կոտակից մինչև Վառձապուհ: Կենտ-

բունացված հզոր պետություն ստեղծելու համար Հայաստանում տարվող ջանքերը, ինչպես շատ ճիշտ ցույց է տվել հեղինակը, ունեցել է պրոգրեսիվ երևույթ, որովհետև դա ոչ միայն «կարգ էր անկարգության մեջ», այլև այդ պարբեր Հայաստանի կոնկրետ պայմաններում նպաստում էր նույն հզորության, առանց որի Հայաստանը չէր կարող պահել իր քաղաքական անկախությունը Կենտրոնական պետության համար մղվող պայքարը վերջացավ անհաջողությամբ։ Այդ պետք է բացատրել ոչ թե հայ թագավորների անկարողությունը, նրանց ոչ հեռատես և սխալ քաղաքականությունը, ինչպես բացատրել են ոմանք, այլ ստեղծված օբյեկտիվ պատճառներով։ Հայաստանը գտնվելով ֆեոդալական մասնատված տնտեսական պայմաններում, ենթարկված էր նաև քաղաքական մասնատվածության, ուստի և հայկական արքունիքի ջանքերը՝ ստեղծելու միասնական քաղաքական հզոր պետություն, անհաջողության մատնվեցին, Հայաստանն ի վիճակի չգտնվեց պաշտպանվել դրա հարձակումներից, Հոռոմը և Պարսկաստանը համաձայնության եկան և բաժանեցին Հայաստանը իրար մեջ ու վերջ տվին նրա անկախությանը։

Հատորում հանգամանորեն նկարագրված են IV դարի կարևոր իրադարձությունները։ Մենք դիտարկում ենք միայն մի հարցում։

Խոսքով Կոստակի ժամանակաշրջանի կարևոր իրադարձությունների նկարագրության բաժնում դուրս է մտնել Դավիթ քաղաքի հիմնադրության և նրա մայրաքաղաք դառնալու փաստը, որի մասին պետք է խոսվեր։

Ակադ. Մանանդյանի աշխատության լավագույն գլուխներից մեկն է «Ղուամշապուհի և հայ գրերի գյուտը» գլուխը, որն առիթն է հանդիսանում 1940 թվականին լույս տեսած «Месроп Маштоц и борьба армянского народа за культурную самобытность» աշխատությանը։

Քննության ենթարկելով դրի պատմության մասին մեզ հասած աղբյուրները (Կորյուն, Մովսես Խորենացի, Ղազար Փարպեցի և ուրիշներ) հավաստի տեղեկությունների հիման վրա ակադ. Մանանդյանը շարադրել է հայ գրի հանճարի ստեղծողին՝ Մեսրոպ Մաշտոցի գիտական կենսագրությունը։

Կարևոր է առանձնապես նշել, որ մեծանուն սկզբնաղբյուր հայ գրի ստեղծումը չի դիտում որպես միայն կուլտուրական երևույթ, այլ այդ կուլտուրական ձևի արդիվ խոշոր հետևանքները, որոնք ճակատագրական դեր խաղացին հայ ժողովրդի գոյության պահպանման գործում։

«Այնքան էլ սակայն,— գրում է Հ. Մանանդյանը,— որ այդ գոյության ունեցավ նաև քաղաքական մեծ նշանակություն, որովհետև սկզբնական հայ գրի ու գրականության ստեղծումը մշտնջրեց հայությունը հին կուլտուրական ժողովուրդների շարքը և, զարմենցնելով նրա ազդեցիկ ինքնագիտակցությունը՝ արգելք եղավ հայ ժողովրդի ազդեցությանց մասն ու միաձուլման քաղաքականությանը, որը հինգերորդ և վեցերորդ դարերում մարում էին Հայաստանում Սասանյան Պարսկաստանի և Բյուզանդական կայսրությունը» (էջ 246)։

Խոսելով նախամաշտոցյան հայ գրի գոյության մասին, ակադ. Մանանդյանը ժխտում է Մաշտոցից առաջ հայ նշանագրերի գոյությունը, սակայն հնարավոր է համարում, որ Մեսրոպ Մաշտոցից առաջ փորձեր կատարված լինեն գրելու հայերեն այլ նշանագրերով։ «Սով միանգամայն հավանական կարելի է համարել,— գրում է նա,— որ բրիտանիկական սկզբից հենց, ինչպես այդ երևում է աղբյուրների որոշ ակնարկներից, կարող էին փորձ արած լինել ստեղծելու հայերեն դպրություն, զխաղաղապես, սեմական լեզուների այբուբենի օգնությամբ հարավային Հայաստանում» (էջ 258—259)։

Մաշտոցից առաջ այլ նշանագրերով հայերեն գրելու մասին Մանանդյանի առաջ բաշած այս տեսակետը լիովին ընդունելի է։ Սակայն մեր համեստ կարծիքով, Հայաստանում տեղական նշանագրերով ևս գիր գոյություն է ունեցել հենց ժողովրդական շրջանում։

Ակադ. Մանանդյանը հայ գրի ստեղծման բաժնում խոշոր նշանակություն է տալիս պրոթին. Աղոնցի Փոսի արխիվում հայտնաբերած մի տեղեկությանը՝ Թեոդորոս Մոպսուեստացու նոգմից Մաշտոցի համար աշխատություն գրելու մասին։ Իրոք, այդ տեղեկությունը շատ արժեքավոր է և անհերքելիորեն ապացուցում է, որ Մաշտոցը մտերմական փոխհարաբերության մեջ է գտնվել Թեոդորոս Մոպսուեստացու հետ։ Այդ փաստը զալիս է հաստատելու նաև հայագիտության մեջ հայտնված այն կարծիքը, որ Մաշտոցն իր կրթությունը ստացել է Միջագետքի բարձրագույն դպրոցում և աշակերտակից հանդիսացել Թեոդորոսի՝ վաղ բրիտանական ազանդապետ Արիստի այս նշանավոր ուսուցչի հետ։ Սակայն այս ամենից հիմք չի տալիս ժամանակագրական հենակ դարձնել Փոսի աշխատությունը՝ հայկական գրի ժամանակակից որոշելու խնդրում, ինչպես վարվում է ակադ. Մանանդյանը՝ հայ գրերի ստեղծման թվականը համարելով 391/2—392/3 թվականները։ Հայկական գրի ստեղծման թվականի

մասին ամենից արժանահավատ սկզբնաղբյուրը հանդիսանում է Կորյունի՝ Մաշտոցի աշակերտի հաղորդած տեղեկությունը, որը ավելի մոտիկից է ծանոթ իր ուսուցչի կյանքին և գործունեությանը, քան հաղարավոր կիլոմետրեր Հայաստանից հեռու գտնվող և Հայաստանի մասին աղուտ պատկերացում ունեցող հույն կամ լատին պատմիչները, Հայկական գրերի ստեղծումը տեղի է ունեցել 476 թվականին:

Գրախոսվող հատորի վերջում տեղավորված է օգտագործված սկզբնաղբյուրների և զրահանության ցանկը ուստ բաժինների, որը կարևոր օղևություն է հայ ժողովրդի պատմությանը:

ուսումնասիրողներին: Հատորն ունի նաև ժամանակագրական և անունների ցանկեր:

Գրախոսության ծավալը թույլ չի տալիս կանգ առնել ակադ. Մանանդյանի ներկա հատորում տուրք բաշած բազմաթիվ այլ հարցերի վրա, որոնք գիտական մեծ արժեք ունեն: Թույլ զեպրերում, մեծանուն ակադեմիկոսի աշխատությունը կարևոր ներդրում է հայագիտության մեջ: Շատ ցավալի է, որ հանդուցյալ ակադեմիկոսը չի կարողացել ավարտել ներկա հատորի 2-րդ մասը և ամբողջացնել տարիների իր քրտնաշան պրպտումների արդյո ներ հանդիսացող կոթողական աշխատությունը:

Ա. ԱՐՐԱՀԱՄՅԱՆ

С. Г. ШАУМЯН, *Избранные произведения в двух томах*, Госполитиздат, М., 1958, т. I, 558 стр., т. II, 412 стр.

Ա. Գ. ՇԱՆՈՒՄՅԱՆ, *Ընտիր երկեր*, երկու հատորով, Պետրադհրատ, Մոսկվա, 1958, հատ. I, 558 էջ, հատ. II, 412 էջ:

Այս տարի հոկտեմբերին լուսնում է Վ. Ի. Լենինի մերձավոր զինակից, Կոմունիստական պարտիայի և Սովետական պետության ականավոր գործիչ, մարքսիզմի տեսաբան Ա. Գ. Շաումյանի ծննդյան 80-ամյակը:

Պետական քաղաքական հրատարակչության կողմից հրապարակված Ստ. Շաումյանի Ընտիր երկերի երկհատորյակը, որը խնամքով պատրաստել է ՍՄԿՊ ԿԿ կից Մարքսիզմ-Լենինիզմի ինստիտուտը՝ Հայաստանի և Աղբյուրների ֆիլիալների հետ միասին, խոշոր միջոցառում է ականավոր ուսուցիչի ծննդյան 80-ամյակը նշանավորելու և նրա գրական ժառանգությունը պրոպագանդելու գործում:

Ստ. Շաումյանի անունը սեշտորեն կապված է Անդրկովկասի ուսուցիչի շարժման հետ պատմության հետ:

Երկրամասի՝ աղգային ու կրոնական հակասություններով լեցուն բարդ պայմաններում երկար տարիներ հանդիսանալով սոցիալիզմի հաղթանակի համար մղվող պայքարի զեկավարներին մեկը, Ստ. Շաումյանը իր աշխատություններում խորը կերպով վերլուծել է այդ պայքարի ամենարագմազան ու խճճված հարցերը:

Այդ պատճառով էլ ամենայն իշավամբ կարելի է ասել, որ Վ. Ի. Լենինի և Անդրկովկասի ականավոր ուսուցիչի գործիչների աշխատությունների հետ մեկտեղ Ա. Գ. Շաումյանի երկերը հանդիսանում են երկրամասի ուսուցիչի շարժումների ուսումնասիրության բանալին:

Այդ աշխատությունները ունեն գիտական մեծ արժեք, ակտուալ նշանակություն և դրսևորում են Ստ. Շաումյանի ակտիվ մասնակցությունը մարքսիզմի տեսական գանձարանի հարստացման և պրոլետարիատի զեկատարային համար մղված պայքարի գործին:

Հատկապես հրամայական անհրաժեշտություն էր դարձել Ա. Գ. Շաումյանի երկերի ուսուսերեն հրատարակչության գործը:

Մինչև այժմ եղած ուսուսերեն հրատարակչությունների մեջ սույն հրատարակչությունը հանդիսանում է ամենալիակատարը և ընդգրկում է Ա. Գ. Շաումյանի 1902—1918 թթ. գրած համարյա բոլոր աշխատությունները, որոնք զգալի մասը տպագրված է առաջին անգամ:

Հրատարակչությունը բաղկացած է երկու հատորից: Առաջին հատորը ընդգրկում է 1902—1916, երկրորդը՝ 1917—1918 թվականները:

* * *

Ընտիր երկերի առաջին հատորը սկսվում է զեուես երիտասարդ Ստ. Շաումյանի՝ 1902 թվականին գրած երկու աշխատություններով՝ Ղազարոս Աղայանի գործունեության քառասունամյակի առթիվ գրած նառով և ռւայ սոցիալ-դեմոկրատների միության մանիֆեստով, որոնք պարզ կերպով ցույց տվեցին, որ հանձին Շաումյանի՝ բունվոր դասակարգի ազատագրության համար մղվող պայքարի ասպարեզ է: